

Otsailaren 14an
URTEAN ZEHARREKO 6. IGANDEA

Gosearen aurkako Jardunaldia

“Kutsatu elkartasuna eta bukatu gosearekin”

Agurra

Jesus Jaunaren grazia eta bakea izan bitez zuekin.

Sarrerako oharpena

Egun honetan, “Kutsatu elkartasuna eta bukatu gosearekin” goiburuarekin, Manos Unidasen Jardunaldia ospatzerakoan, munduko gosea errotik kentzeko lanean aurrera egin nahi dugu.

Horregatik, eska diezaiogun Jaunari isur dezala gugan karitatearen dohaina eta Espiritu Santuak bihur gaitzala barru-barrutik egiaz, Kristoren benetako ikasle, honela erabateko gizon eta emakume berri izan gaitzen.

Gertura gaitzen Berarengana, bere Hitzak, bere Gorputzak eta Odolak lagun diezagutela BIZI ahal izateko garrantzitsua zer den antzematen eta bizi hori senideekin partekatzen.

Damu-otoitza

Aitor dezagun Jainkoaren aurrean, barkamen beharra dugula.

—Jesus Jauna, giza sufrimenduarekin bat egiten duzuna: erruki, Jauna.

—Jesus Jauna, sufritzen dutenen itxaropen zarena: Kristo, erruki.

—Jesus Jauna, ondo hartu, sendatu eta salbatzen gaituzuna: erruki, Jauna.

Erruki dakigula Jainko guztiz ahaltsua, eta, gure bekatuak barkaturik, eraman gaitzala betiko bizira

Otoitza

**Oi Jainko,
 bihotz garbi eta zintzoengan biziko zarela agindu duzu;
 zeure graziari esker,
 egin gaitzazu zure bizileku izateko gai.
 Zure Seme Jesu Kristo gure Jaunaren bitartez,
 Zurekin eta Espiritu Santuarekin batean
 Jainko eta Errege bizi baita gizaldi eta gizaldietan.**

Hitzaren liturgiari oharpena

Jainkoaren Hitzak gaitzaren eta gaixotasunaren misterioaren aurrean jartzen gaitu. Jesusek ez zuen axolagabe jokatu, baizik eta sufritzen zutenekin gertuko agertu zen, bizitza bideratuz eta gaitza nozitzen zuena sendatuz.

Lehenengo irakurgaia (Lb 13, 1-2. 44-46)

Lebitarren liburutik

Jauna honela mintzatu zitzaion Moisesi eta Aaroni: «Bere larruazalean inori handiturik, kozkorrik edo zuri unerik sortzen bazaio, edota norbaiti larruan legenarrik agertzen bazaio, eraman bezate Aaron apaizarengana edo haren semeetako apaiz batengana. Legenardun bat da; gizaki lohia. Buruan legenarrak joa dagoen gizaki lohia dela aitortuko du apaizak.

Apaizaren aitormenez legenarduntzat emana izan denak, soineko urratuak erabiliko ditu, buruko ilea nahasia eta kokotza goiko ezpaineraraino estalia: eta "gizaki lohia!, gizaki lohia!" oihu egingo du. Legenarrak irauten dion arte, gizaki lohia izango da. Bakarrik biziko da; eta oihal txaboletatik urruti izango du bere bizilekua».

Erantzun-salmoa (*Sal* 31, 1-3. 5. 11)

Ez e - gon, Jau - na, ni - gan - dik u - rrun; zu - re - a nau -
zu, za - toz - kit la - gun.

Bai dohatsu, gaiztakeria barkatu **zai**ona,
hobena estali **zai**ona.

Bai dohatsu, Jaunak errurik egozten ez **d**iona,
barrenean iruzurrik ez **du**ena. R/.

Nire hobena aitort**u** dizut,
nire errua ezkutatu **ez** dizut.

«Aitortuko diot —esan nuen— Jaunari neure gaiztak**er**ia»,
eta Zuk barkatu zenidan nire hobenaren txarker**ia**. R/.

Poztu zaitetzte eta alaitu Jaunagan, **zint**zoak,
egizue po**ze**z oihu,
bihotz zuzeneko gu**zti**ak. R/.

Bigarren irakurgaia (*1 Ko* 10, 31 – 11, 1)

San Paulo Apostoluak Korintoarrei

Senideok: Jan, nahiz edan, nahiz beste edozer egiten duzuelarik,
egizue dena Jaungoikoaren aintzarako. Ez eman gaizbiderik, ez
judutarrei, ez greziarrei, ez Jaungoikoaren Elizari.

Nik ere neure aldetik guztiei ematen diet atsegin, ez neure onari
begira, haienari baizik, guztiak salba daitezzen. Izan zaitetzte nire
antzeko, ni Kristoren antzeko naizen bezala.

Aleluia (Lk 7, 16)

A - le - lu-ia, a - le - lu-ia, - a - le - lu- - - - ia. -

Profeta handi bat agertu da gure **ar**tean.
Jaungoikoak ikustaldi egin dio bere herri**ar**i. R/.

Ebanjelioa (Mk 1, 40-45)**Homiliarako argibideak***Garbi geratu zen*

Gure bihotzaren muina ur bizia darion putzua da. Bizitzak uzten du gugan, ordea, halako tristura eta erremi hondar bat, saldukeria eta erru hondar bat, gure ur garbia iluntzen duena. Sarri nahiago genuke hainbat gauza gertatuz ez balitz. Baina bizitzak ez du atzera bueltarik. Jesusek bakarrik du gure bizitza berreraikitze indarra, **gure barrua eraldatu eta garbi** eta berri uzteko gaitasuna.

Jesus ausarta da, eta hautsi egiten ditu bere garaikideen tabu erlijiosoak, kutsaduraren beldurrez bazterketa sortzen zutenak (Lb 13,1-2.44-46). Jesusek ez du kutsatzeko beldurrik, ez da kezkatzen legenardunarekin topo egitean zikindu daitekeelako (Mk 1, 40-45). Berak ez du legenardunenagana gerturatzeko beldurrik, eta haiek ere lasai hausten dute inorengana ez gerturatzeko debekua, Jesusengana hurbiltzeko. Handia da **Jainkoaren Erreinuaren etorrerak** ekarri duena.

Gizartetik legenardun izateagatik baztertua izatea, heriotzara zigortua izatearen parekoa zen. Nola sendatu, senda

zaitzakeenarengana joaten uzten badizute? Gizarteko bizitzan gehiegi darabilgu tamalez, medikuen hizkerako esamoldea: erauztea, errotik ateratzea. Eta hori gure senide askok bizi duten **bazterketa gordinean** antzeman daiteke.

Gure zentzugabeko beldurrek ez digute uzten elkarren bakean bizitzen. Bestearengan gure bizitzarako eta ongizaterako mehatxu bat ikusten dugu. Gaixoengandik datorkigu batzuetan mehatxua, behartsuengandik bestetan, edota etorkinengandik nahiz beste erlijio bat bizi dutenengandik. Zoriontsu izatea galarazten diguten beldurrak dira, gizakia gizakiaren kontra jartzen duten beldurra. Paulok irakasten digu guztiengana, gure garaiko kultura desberdinetara nola gerturatu (1 Ko 10, 31-11,1).

Antzinaroan Jainkoak bekatuengatik emandako zigor moduan ikusten zituzten honelako gaixotasunak. Jesusek berriz, sufritzen dutenekiko gertuko agertuz bere egiten du haien sufrimena. Berak beregain hartu zituen gure gaixotasunak eta gure bekatuak. Legenardunaren eskabideari **ez dio aurre-baldintza edo eskakizunik jartzen**. Sendatu egiten du, legenardunak sendatua izan nahi duelako eta Jesusen indarrean konfiantza duelako. Sendatu ondoren esaten dio Legearen arauak betetzeko, berriz ere gizartean erabat integra dadin.

Gure beldurrak eta kezkek dira askotan geldiarazten gaituztenak eta familian, elkartean eta gizartean erabat integratuta bizitzea galarazten digutenak. Gure gordelekuan ezkututzen gara, zauriei begira, aurrera begiratu ordez. Barruko legenar hori sendatu eta salbatuen elkartean txertatuko gaituena behar dugu.

San Paulok gizon-emakume guztien senide garela oroitarazten digu eta ez dugula besteen zoria ahaztu behar gure fedearrekiko eskandalagarri gertatuz. Manos Unidas elkatearen aurtengo

goiburuak hau dio: “Kutsatu elkartasuna eta bukatu gosearekin”; horrek ikusarazten digu gure zoriona eta salbamena ez direla inoiz norberekeriaren eta indibidualismoaren fruitu, garena eta duguna egiaz bizi eta partekatzean besteei ere on egiten diegula baizik. Eska diezaiogun Jesusi gaurko Eukaristia honetan senda gaitzala gaixotasun orotatik eta egin gaitzala munduaren erdian bakearen eta adiskidetzearen bitarteko.

Jainkoaren herriaren otoitza

Jainkoaren Hitza entzun ondoren, eta eukaristiako otorduan parte hartu aurretik, egin diezaiogun otoitz Jaunari, bere maitasun Espiritua gudan eta gizaki guztiengan isuri dezan eskatuz.

- Elizak, Maisuaren irakaspenari jarraituz, Jesusen agindu berria leialtasunez bete dezan: “Maita ezazue elkar, nik maite izan zaituztedan bezala”. Eska diezaiogun Jaunari.
- Herrietako gobernuek, gizaki guztien eskubideak justiziaz eta leialtasunez babestuko dituzten legeak bultzatzen beti. Eska diezaiogun Jaunari
- Gure gizarteko “legendar” berriak sufritzen dituzten era askotako pobre, apal, eta baztertu guztiak, Elizaren lehentasun izan daitezen behartsuekiko bere egitekoan eta zerbitzuan. Eska diezaiogun Jaunari.
- Manos Unidas-en misioa posible egiten duten guztien alde, Kristoren maitasunak haiengan distira egin dezala eta gizadi guztira zabal dadila. Eska diezaiogun Jaunari.
- Biziaren ogi bera jaten dugun Kristoren ikasle guztiok, ager dezagula gure egintzetan bat egiten dugula haren irakatsi eta ezaugarriekin. Eska diezaiogun Jaunari.

Gure Aita eta Jauna,, sutu gure bihotzak zure maitasunaren Espirituarekin, bihotz zintzoz senideengan maita zaitzagun. Jesu Kristo gure Jaunaren bitartez.

Diru-bilketa egitean

Egitera goazen diru-bilketa, “Manos Unidas” erakundearen proiektuekin bat egiteko izango da. Pobreziaren aurkako ahalegin honetan saia gaitezen guztiok eskuzabal izanez.

Jaunartze-ondorengo otoitza

**Jauna, zerutar ogi osasungarria eman diguzu janari;
egizu, bila ditzagula guk ere beti
egiazko bizia ematen diguten ondasunak.
Jesu Kristo gure Jaunaren bitartez.**